

NEWSLETTER

mart
2018.



FONDACIJA
HASTOR

JEDINA OSOBA S KOJOM SE TREBAMO POREDITI SMO MI ONAKVI KAKVI SMO BILI JUČER

U subotu, 10. marta 2018. godine, u prostorijama ASA Prevent grupacije održan je još jedan u nizu mjesecnih sastanaka stipendista Fondacije Hastor. Ovomjesečni sastanak zasigurno je bio veoma poseban budući da je obilježen inspirativnim izlaganjem jednog od stipendista Fondacije, Harisa Muhibića, studenta druge godine Odsjeka za informacione tehnologije Fakulteta za inženjering i prirodne nauke.

Naime, podstaknut knjigom *Twelve Rules for Life: An Antidote to Chaos* kanadskog profesora i psihologa Jordana B. Petersona odlučio je da s ostalim stipendistima nesobično podijeli iskustva koja je stekao čitajući istu budući da smatra da knjiga tretira određene esencijalne životne principe kojima bi se na izvjestan način trebala voditi svaka mlada ambiciozna ličnost koja nastoji biti sretna i zadovoljna radeći ono što voli i što je ispunjava, ali istovremeno i podstiče njenu želju za uspjehom i napretkom.

Fokus Harisovog izlaganja bio je zapravo na dvanaest pravila koja su dijelom pomenute knjige, a koja bi svaka individua trebala primijeniti u svakodnevnim životnim situacijama kako bi vlastiti život učinila kvalitetnijim, a sebe ispunjenim i zadovoljnijim, prvenstveno sobom, ali i ljudima oko sebe. Istakao je kako je u svemu potrebno naći svojevrsni balans budući da u životu ništa nije apsolutno. Posebna

diskusija je vođena o sljedećim životnim principima: stajati uvijek uspravno podignute glave gledajući potencijalnim problemima direktno u oči, odnositi se prema sebi kao prema nekome kome trebamo pružiti pomoć, biti prijatelj s ljudima koji žele najbolje za tebe, a ne s onima koji nastoje poniziti svaki tvoj uspjeh, porebiti sebe samo s onim ko ste bili jučer, počistiti najprije svoje dvorište, a zatim komentirati druge, težiti ka dugoročnim i značajnim stvarima, a ne ka kratkoročnim, govoriti uvijek istinu ili barem ne lagati, pretpostaviti da možemo naučiti nešto novo od svake osobe koju upoznamo i slično. Kako bismo bili uspješni i sretni nikada ne smijemo dozvoliti da okolina bude ta koja će da kreira našu percepciju samog sebe. Ključ je okružiti se dobrim ljudima koji će prepoznati i znati cijeniti naše težnje i naš trud. Potrebno je da budemo svjesni činjenice da smo samo mi krojači svoje sudbine, a da nas svako dobro djelo koje učinimo danas čini boljom osobom nego što smo bili jučer.



Studenti stipendisti nisu krili svoje oduševljenje Harisovom interaktivnom prezentacijom, pa su mu na kraju izlaganja uputili mnoge pozitivne kritike koje se tiču izbora teme o kojoj je govorio, ali i samog njegovog pristupa i entuzijastičnog načina prezentiranja. Po nasmiješenim licima i komentarima stipendista moglo se primijetiti da je Haris ispunio elementarni cilj svog izlaganja. Dakle, uspio je doprijeti do njihove svijesti potičući ih na razmišljanje o tome kako malim, ali efektivnim koracima i postupcima mogu svoj život učiniti ljepšim i kvalitetnijim, a sebe sretnijom i zadovoljnijom osobom koja je zadovoljna sobom, ali i svojom okolinom. Stipendisti su se složili da su mladim ljudima ovako produktivni i inspirativni dijalozni doista nužni budući da su generalno prezasićeni negativnim, demotivirajućim pričama koje su često istaknute u prvi plan, te koje nam posljedično urušavaju motivaciju dovodeći nas nerijetko u stanje opće inertnosti i nezainteresovanosti.

I kako je to sam predavač na kraju akcentirao: Stanite uspravno podignite glave. Počistite najprije svoje dvorište (fokusirajte se na sebe i na unapređenje



vlastite ličnosti). Pružite makar djelić svoje pažnje svakom biću koje vam se nađe na putu, pa makar

to bila i mačka koju ćete pomaziti. Krenite naprijed i suočite se sa svim poteškoćama i problemima posmatrajući ih kao izazove i rješavajući ih uporno i konzistentno korak po korak.

Jer, upravo sitnice koje čine veliki dio naših života, a koje prečesto zanemaruјemo ili potiskujemo u sporedni plan predstavljaju ono što istinski vrijedi i ono što značajnim dijelom utječe na naše mentalno stanje, našu želju za napretkom, ali i na naša krajnja postignuća.

Amina Vatreš

Fondacija Hastor pokrenula projekt „Training for Job – Training to Stay“

U petak, 30.03.2018. godine je u Sarajevu potписан Ugovor o dodjeljigrantsredstava između predstavnika International Service Corps (IESC) i Fondacije Hastor za provođenje projekta „Training for Job-Training to Stay“. Projekat će trajati u periodu od 02.04. do 31.10.2018. godine i bit će implementiran u partnerstvu sa Prevent grupacijom.

Workforce and Higher Access to Markets Activity (WHAM) je projekat finansiran od strane USAID i implementiran od strane IESC. Cilj projekta jeste obuka i razvoj vještina potrebnih za rad u okviru kompanije Prevent Step Bugojno. Planirano je da kroz projekat prođe stotinu osoba sa područja općine Bugojno i uže regije. Uspješni polaznici dobit će priliku za zaposlenje u ovoj kompaniji.

Na ovaj način, Fondacija Hastor ide korak dalje u cilju razvoja potencijala i kadrova potrebnih na tržištu rada.



Edinova mekana priča

Srednjoškolac Edin Maslo jedan je u nizu mladih ljudi s idejom o poduzetništvu, ali jedan od rijetkih koji se usudio na konkretni korak – pokretanje vlastitog biznisa. Ima samo 19 godina, odličan je učenik Srednje građevinsko – geodetske škole u Sarajevu, a stipendistom Fondacije Hastor postaje u septembru protekle godine.

Kako otkriva, dugo vremena razmišljao je o pokretanju malog biznisa, a ova ideja konačno je pretočena u konkretni korak prije dva mjeseca kada Edin nabavlja prve materijale za proizvodnju ukrasnog namještaja.

„Kao srednjoškolac u Sarajevu, ovom gradu brzog života, uvidio sam potrebu za većim džeparcem od onog koji dobijam. Nisam se želio izdvajati iz društva, ali još veći problem bilo mi je dodatno opteretiti oca s kojim živim. Dosta vremena provodio sam na Internetu i shvatio da se finansijski mogu podržati nekim svojim malim biznisom. Prije otprilike dva mjeseca odlučio sam da nabavim određene količine ukrasnih jastuka, tabureta i „puff“ fotelja, s nadom da ih proizvodim po narudžbi i preprodajem i tako zaradim koju markicu. I trenutno, moja zamisao počinje se pretvarati u stvarnost“, kazuje nam Edin.

Ovako započinje Edinova „mekana“ priča. Vođen svojom idejom, osniva brend „Mekano“ koji se bavi proizvodnjom i prodajom ukrasnog namještaja, s namjerom da prema želji kupca ukrašavi dom i učini ga ugodnijim za boravak.

S obzirom da je tek nastao, „Mekano“ je brend u razvoju i potrebno je još dosta posla kako bi se, kako Edin kaže, razvio u veći izvor njegovih finansija. Priznaje da je svaki početak težak, ali da ni u kom



slučaju neće odustati i da će nastaviti na razvijanju svog malog biznisa za koji se nuda da će se uskoro proširiti. „Zapravo, svoj uspjeh vidim u obimu ponude „Mekano“ svojim kupcima, jer ako želimo nešto uraditi i prodati, trebamo se dopasti većem broju ljudi“, govori Edin.

Za redakcijski tim Fondacije priznaje da mu je draga što su Fondacija Hastor i njeni stipendisti prepoznali njegov rad i nuda se da će ga podržati i u daljem radu:


„Svakako se nadam da će „Mekano“ postati prepoznatljiv brend u godinama koje su pred nama. To otvara mogućnost da mi se možda baš neko iz Fondacije Hastor pridruži u mojim poduzetničkim planovima. Stoga, sve bih vas zamolio da lajkate, podijelite i pozovete prijatelje da lajkaju moju facebook stranicu „Mekano“ jer je to, nadam se, jedan od mojih puteva ka uspjehu.“

Edin se posebno zahvaljuje njegovim mentorima Tesnim Karišik i Anesu Pajiću koji su prepoznali njegov rad i izvijestili redakcijski tim Fondacije Hastor o tome.

Pozivamo sve stipendiste Fondacije Hastor, kao i sve čitače našeg newslettera da podrže našeg kolegu Edina Maslu i njegov brend „Mekano“ tako što će lajkati, podijeliti, ili pozvati prijatelje da lajkaju njegovu facebook stranicu „Mekano“ (<https://www.facebook.com/Mekano-282006605664650/>).

Našem Edinu želimo puno uspjeha i vjerujemo da će „Mekano“ postati prepoznatljiv brend, te da ćemo u budućnosti svoje domove ukrašavati proizvodima ovog brenda.

Džulisa Otuzbir



Emil Šarić

u Cazinu. Sebe smatra osobom koja voli izazove i rješavati razne probleme, a koji se najčešće odnose na matematiku i programiranje. Takmičarskog je duha. Brojne rezultate postizao je tokom školovanja na takmičenjima iz oblasti informatike i matematike, kako na općinskom, tako i na kantonalmom i državnom nivou.

Optimistična je osoba, pa svoju budućnost vidi u ulozi zaslužnoj za razvoj softvera i umjetne inteligencije. Ovaj nadasve zanimljiv i talentovan stipendista slobodno vrijeme provodi s prijateljima igrajući šah, pikado i biljar. Nakon saznanja o dobitku stipendije Fondacije Hastor, dobio je još veću motivaciju za uspjeh, a svoje znanje i kompetencije želi prenosići i na druge osobe.

Stipendija mi znači puno, kako s finansijske strane, tako i za motivaciju za dalji rad na fakultetu. Smatram da pravila Fondacije o volontiranju dobro utječu na mene, na način da se trudim da svoje obaveze obavljam u potpunosti i na vrijeme i da budem odgovoran.

Belma Zukić

U januaru tekuće godine dvadesetjednogodišnji Emil Šarić pridružio se našoj fondaciji. On je trenutno student treće godine Elektrotehničkog odsjeka Tehničkog fakulteta Univerziteta u Bihaću.

Srednjoškolsko obrazovanje Emil je završio u Gimnaziji u Cazinu gdje je četiri godine imao odličan uspjeh i primjerno vladanje. Učenikom generacije proglašen je po završetku Osnovne škole „Liskovac“

NAUKA

NASA traži da joj do 15. aprila šaljete razne fotografije oblaka

Američka svemirska agencija NASA traži od ljubitelja neba iz cijelog svijeta da dijele s njom fotografije oblaka putem posebne aplikacije. Ovaj projekat u saradnji s građanima potreban je NASA-i za validaciju podataka sa šest instrumenata koji posmatraju Zemlju putem različitih satelita.

Instrumenti su dio projekta pod nazivom "Oblaci i svjetlosni energetski sistem Zemlje" koji ima za cilj poboljšati razumijevanje uloge oblaka u globalnim klimatskim promjenama.

Oblake je, međutim, ponekad veoma teško identificirati s visine. Naprimjer, tanke oblake ciruse, najčešću vrstu visokih oblaka, teško je prepoznati u odnosu na snijeg, tvrde iz NASA-e. Zbog toga je sva satelitska posmatranja potrebno upoređivati sa zapažanjima sa Zemlje.

Ukoliko želite sudjelovati u izazovu posmatranja oblaka, najlakši način jeste da skinete aplikaciju GLOBE Observer koja će vam korak po korak dati instrukcije kako da NASA-i pošaljete svoje fotografije oblaka. Ukoliko volite posmatrati i analizirati promjene na nebu, ova aplikacija će dodatno unaprijediti vaše znanje iz astronomije.

Iz NASA-e kažu da su projekt posmatranja oblaka započeli sad jer će oblaci na proljeće imati zanimljive aktivnosti. Promjena godišnjih doba može biti olujna, a NASA želi dvostruko provjeriti podatke jedog instrumenta kojeg je u svemir poslala u novembru prošle godine.

Svi koji žele da njihove fotografije dođu do NASA-e imaju vremena do 15. aprila za slanje maksimalno deset fotografija svakog dana.

IN MEMORIAM:



Stephen Hawking

Stephen Hawking bio je jedan od omiljenih naučnika, ne samo zbog svog intelekta, nego i zbog svog ponašanja i humora.

U mladosti je obolio od amiotrofične lateralne skleroze (ALS), paralizirajuće bolesti koja uzrokuje slabljenje tjelesnih mišića. Bio je potpuno nepokretan, a vremenom je izgubio i sposobnost govora, pa je s okolinom komunicirao jedino uz pomoć računalnog sintetizatora glasa.

Kao ultimativni cilj svoje naučne karijere, Hawking je želio potpuno razumjeti svemir - zašto je takav kakav jeste i zašto uopće postoji. Njegova ideja da crne rupe emitiraju toplinu izazvala je jednu od najvećih debata u modernoj kozmologiji. Njegov naučni rad uveliko je utjecao na područje opće teorije relativnosti i kvantne mehanike.

Postao je počasni član britanskog Kraljevskog društva za promoviranje umjetnosti (RSA), doživotni član Papinske akademije nauka i dobitnik brojnih nagrada, uključujući najprestižniju civilnu nagradu u SAD-u, Predsjedničku medalju slobode. Njegova knjiga "Kratka povijest vremena" postala je najpoznatija kozmološka knjiga na svijetu, a na top listi bestselera Sunday Times-a zadržala se čak 237 sedmica. Hawking je često komentirao velike

svjetske događaje i probleme. Upozoravao je da je umjetna inteligencija velika prijetnja čovječanstvu i tvrdio da će se ljudi morati proširiti po svemiru ako žele preživjeti.

Za kolege naučnike i voljene osobe, Hawking je zbog svoje intuicije i smisla za humor postao simbolom neograničenih sposobnosti ljudskog uma. Govoreći o svom izgledu nakon izlaska filma "Teorija svega" u kojem njegov lik glumi Eddie Redmayne, našao se rekavši: "Nažalost, Eddie nije naslijedio moj dobar izgled."

Jedna stvar za Hawkinga je oduvijek bila zagonetka - žene. Kada su ga jednom prilikom pitali o čemu najviše razmišlja tokom dana, rekao je: "Žene. One su potpuni misterij."

Cijeli svijet rastužila je vijest da je veliki naučnik preminuo u dobi od 76 godina, a u gomili svega što je ostavio iza sebe jesu zanimljivi, domišljati, provokativni, ali i komični citati. Stoga, u ovom izdanju našeg newslettera izdvajamo nekoliko poruka Stephena Hawkinga koje nam mogu poslužiti kao inspiracija i motivacija na putu ka našim ciljevima, a ovime ujedno odajemo i počast ovom velikom naučniku.

“
 Aterphem hanukking

Koliko god se teškim život činio, uvijek postoji nešto što možete raditi i uspjeti u tome. Važno je samo da ne odustanete.

Najveći neprijatelj znanja nije neznanje, već iluzija znanja.

Primjetio sam da čak i ljudi koji tvrde da je sve predodređeno i da mi ne možemo ništa učiniti da to promijenimo, pogledaju lijevo i desno prije nego pređu cestu.

Ljudi neće imati vremena za tebe ukoliko si stalno ljut i stalno se žališ.

Mi smo u opasnosti da uništimo sami sebe zbog naše pohlepe i gluposti. Ne smijemo gledati samo ka nama na ovom malom i sve zagađenjem i sve prenaseljenjem planetu.

Mi smo samo napredna vrsta majmuna na malom planetu jedne vrlo obične zvijezde. Ali možemo razumjeti svemir. Zbog toga smo jako posebni.

Ljudi koji se hvale svojim koeficijentom inteligencije su gubitnici.

Ograničiti našu pažnju samo na zemaljske materije bi predstavljalo ograničavanje ljudskog duha.

Ne bojam se smrti, ali mi se i ne žuri da umrem. Postoji mnogo stvari koje bih želio učiniti prije toga.

► IT takmičenje u organizaciji EFSA UNSA




Katedra za menadžment i informacione tehnologije Ekonomskog fakulteta Univerziteta u Sarajevu organizuje Drugo IT takmičenje u Bosni i Hercegovini kao dio Svjetskog Microsoft Office Specialist (MOS) takmičenja. Cilj takmičenja jeste testiranje vještina srednjoškolaca i studenata u korištenju Microsoftovih alata: Word, Excel® i PowerPoint®. Najbolji takmičari će biti pozvani da predstave našu državu na svjetskom takmičenju koje će se održati na Floridi, USA.

Studenti i srednjoškolci se mogu prijaviti putem sljedećeg linka: <http://eepurl.com/cOO1ij>

Više informacija možete pronaći na stranici fakulteta: <http://www.efsa.unsa.ba/ef-bs/it-takmicenje>

februarske posjete




U toku februara 2018. godine bio sam u 7 gradova i posjetio 11 volonterskih grupa gdje volontiraju 22 studenta stipendista Fondacije Hastor sa 61 osnovcem i 60 srednjoškolaca. Dakle, 143 stipendista Fondacije Hastor. Ako izuzmem dvije studentice iz Milića koje nisam našao na zakazanom mjestu u zakazano vrijeme, onda sam prezadovoljan izvršavanjem zadatka stipendista Fondacije Hastor. Nizama Baručija i Lejla Biogradlja u Kino teatru u Busovači kažu da su imale dobre mentore u osnovnoj i srednjoj školi, pa im je sad lahko izvršavati svoje obaveze prema Fondaciji Hastor. Segmedina Buljina u Kaćunima ima ključ od škole: „Dao mi direktor škole da se mogu i subotom i nedjeljom ovdje družiti s učenicima stipendistima Fondacije Hastor.“

Ostružnica kod Fojnice. Razred na spratu osnovne škole lijepo osunčan, a u njemu Dalila Kršić i Hasija Huseinbašić pregledaju radeve učenika. Obradile temu pa provjeravaju koliko su ih učenici razumjeli. U Bratuncu u Osnovnoj školi „Branko Radičević“ Zeid Orlović i Milica Đokanović imaju učenika, ali zbog bolesti dosta djece nije prisutno.

U 9 sati 24. februara stižem u Jablanicu u kuću Nejre Šubara, a tamo već sjeli učenici i razgovaraju. Iz razgovora s učenicima i Nejom zaključih da oni vrijedno rade, a kako jedna djevojčica dolazi iz udaljenog mjesta predložih Nejri da im da zadatak da urade kod kuće pa da sutra ne prelazi toliki put. Nejra Džeko i Aida Šuta-Maslo su u Karađozbegovoj medresi u Mostaru sa 10 srednjoškolaca, od kojih dvojica postižu dobre rezultate na fudbalskim igralištima. U Karađoz-begovoj biblioteci volontiraju dvije grupe: Anela Marić, Azra Mahinić i Ifeta Ćuković druže se sa 7 osnovaca i 6 srednjoškolaca u vrlo lijepoj radnoj atmosferi. U Prvoj osnovnoj školi u Stocu Edin Gerin, Belmana Gerin, Anela Medar, Adna Elezović i Ena Haračić imaju 10 učenika. Kako je ovo grupa koja se dobro i odavno poznaje, nije im teško napraviti lijepo i korisno druženje.


Ramo Hastor





$$A + B = C$$

> vjenčanje




Čitam obavijest koju mi je poslala Ajla Čalaš: „Dragi učitelju Ramo, potaknuta životnom situacijom koja mi se dešava nadolazim na mnoge lijepе stvari koje su mi omogućene kao stipendistkinji Fondacije Hastor. Postala sam akademski građanin i zaposlena mlada djevojka, stekla brojne prijatelje, pa i životnog saputnika. Enver Fejzović i ja ćemo se vjenčati u četvrtak, 22. marta 2018. godine u Visokom. U naše ime Vas obavještavam, jer je Fondacija Hastor ta koja nam je nekad davno spojila puteve.“

Puno je djevojaka i momaka koji su bili stipendisti Fondacije Hastor, a sad su udati i oženjeni. Većina njih ima i djecu. Ništa neobično, ali danas, 22.03.2018. godine se Ajla Čalaš iz Goražda, bivša stipendistkinja Fondacije Hastor, vjenčala s Enverom Fejzovićem

iz Visokog, također, bivšim stipendistom Fondacije Hastor. Mladenci su iz porodica koje su bile slabijeg imovinskog stanja, ali su uz pomoć Fondacije Hastor završili fakultete, postali akademski građani, zaposlili se, pomogli i pomažu finansijski svojim roditeljima, pa sad mogu planirati i svoju porodicu, sigurni da im djeca neće trebati ni od koga stipendiju. Oni koji prate ciljeve Fondacije Hastor mogu zaključiti da je ovaj brak dokaz da Fondacija Hastor postiže svoje ciljeve: da se stipendisti iz raznih krajeva Bosne i Hercegovine upoznaju i druže, da postanu akademski građani, da se zaposle i žive od svoga rada, a onda i oni da nekome pomognu te da tako u Bosni i Hercegovini svi žive od svoga rada i da im ne treba ničija pomoć.

Ramo Hastor



AJLA & ENVER



Nejra
Džeko

NEJRA DŽEKO

Na osnovu svoga rada, truda i doprinosa u radu Fondacije Hastor titulu stipendiste mjeseca nosi Nejra Džeko.

Rođena je 1995. godine u Mostaru gdje je završila osnovnu i srednju školu. Potom upisuje Nastavnički fakultet na Univerzitetu „Džemal Bijedić“, također u Mostaru, i postaje student Odsjeka za hemiju. Nakon završetka prvoga ciklusa studija, odlučila je da upiše drugi ciklus studija na Prirodno – matematičkom fakultetu Univerziteta u Sarajevu.

Kroz izučavanje novih oblasti u hemiji, tokom pohađanja fakulteta u Mostaru, imala je veliku želju da nastavi dalje proučavanje i širenje postojećih znanja kroz praktične radove.

Smatra da je neko ko živi u okvirima jednog dana i uvijek se trudi da dan pametno iskoristi, ali da ujedno radi ono što voli. Svoje slobodno vrijeme najviše voli da provodi uz čitanje knjiga iz oblasti psihologije i modernog life coaching-a, što doprinosi razvoju ličnosti i olakšava joj da prepreke koje joj se nađu na putu uspješno savlada.


Kaže Nejra: "Neka trud bude ono što nas pokreće,

dajmo svoj maksimum u svim situacijama, trudimo se biti najbolja verzija sebe. Lično, meni je vjera ono što mi uliva snagu, daje oslonac, zatim podrška moje majke, ostatka porodice i, naravno, Fondacije Hastor."

Nejra je izuzetno vrijedna stipendistkinja, redovno volontira na terenu sa svojim učenicima u Mostaru i uvijek se rado odazove na svaki poziv da volontira u administraciji Fondacije.


Svim stipendistima Fondacije Hastor poručuje da se edukuju na svim poljima svog života za koja smatraju da su bitna, da uvijek vjeruju u sebe, budu optimistični i trude se. Da dopuste sebi da njihova djela govore više od riječi. Da budu skromni, ljubazni, vedri, voljni pomoći drugima. Da rade na sebi i na razvoju svoje zajednice kako nas to, uostalom, uče u Fondaciji Hastor.

Razim Medinić



Fotografije jastučića raznih dezena koje ručno izrađuje naš stipendista Edin Maslo

Na osnovu baze podataka utvrđeno je da su stipendisti i volonteri Fondacije Hastor u proteklom mjesecu zabilježili 14957 volonterskih sati. Kao i do sada, najveći broj volonterskih sati ostvaren je na volonterskim sastancima naših stipendista – studenata, srednjoškolaca i osnovaca na 296 volonterskih radionica u 60 općina širom Bosne i Hercegovine. Ovoj velikoj brojci doprinosi i volonterski angažman naših studenata koji volontiraju u administraciji i redakciji Fondacije Hastor, kao i angažman stipendista koji rade na razvoju i održavanju aplikacije Fondacije Hastor i naše web stranice. Obavezna tema o kojoj su naši stipendisti diskutovali na svojim volonterskim druženjima proteklog mjeseca je „Elektronsko učenje (E-learning)“. Pored obavezne teme, stipendisti su obrađivali i druge interesantne teme, a naši studenti su dio volonterskih sati odvojili kako bi pomogli mlađim stipendistima da što bolje savladaju školsko gradivo.



Neke od najzanimljivijih teme:



Dobra komunikacija



“ Značaj okoline u kojoj živimo

Promocija mene kroz moje kvalitete

Najveće blago naše države

Prednosti i mane moderne tehnologije

Obrazovni sistem BiH



Iluzije i optičke varke



Prijateljstvo nekad i sad

“ Metode zabave koje predstavljaju efikasan metod spostvenog razvoja

TED Talk: „How volunteerism can change your world“



“ Moć freelancing-a i njegova zastupljenost na današnjoj ekonomskoj sceni

TED Talk: „The nerd's guide to learning everything“



Najbolje aplikacije za učenje stranih jezika



Perfekcionizam (zdrava/nezdrava težnja)

Općine u kojima su u proteklom mjesecu održane volonterske radionice:



Lijepo je danas biti žena
čvrsta i postojna kao stijena
uvijek radišna, nikad lijepa
njezna i tiha kao morska pješčana
lijepo je znati da naš je više
i da se naše ime nikad ne briše!

Na ovaj praznik uživaj u sreći
nek ti ljubav bude sputnik najvećih
neka te moja ljubav prati
svaki dan a ne samo
ovog osmog marta!

**SVIM
DAMAMA
FONDACIJE
HASTOR
SRETAN
8.
MART**

Amina Belegić VI-1,
OŠ „Safvet-beg Bašagić“
Novi Travnik

NOVI PRIJATELJI FONDACIJE HASTOR

Misiju Fondacije HASTOR prepoznala je i kompanija Schema d.o.o. Ključ pridruživši se našem Klubu prijatelja. Ovim putem im se zahvaljujemo.



FONDACIJA HASTOR

Bulevar Meše Selimovića 16, Sarajevo
033 774 789
033 774 823
fondacija@hastor.ba

REDAKCIJA

Džulisa Otuzbir
Razim Medinić
Belma Zukic
Amina Vatreš
Maida Husnić
Lejla Đonlagić
Nirvana Žiško



**FONDACIJA
HASTOR**